

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj: 35/05), u skladu s Odlukom o usvajanju Programa utroška sredstava s kriterijima raspodjele sredstava Programa „Razvoj i afirmacija sporta i sportskih djelatnosti i podrška i promocija mladih“ tekućeg transfera neprofitnim organizacijama - Transfer za sport od značaja za Federaciju utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta - Federalnom ministarstvu kulture i športa („Službene novine Federacije BiH”, broj: 26/26), federalna ministrica kulture i sporta objavljuje

**JAVNI POZIV
za odabir projekata koji će se sufinansirati iz Budžeta Federacije Bosne i
Hercegovine u 2026. godini**

Sredstva za sufinansiranje projekata dodjeljivat će se u skladu s Odlukom o usvajanju Programa utroška sredstava s kriterijima raspodjele sredstava Programa „Razvoj i afirmacija sporta i sportskih djelatnosti i podrška i promocija mladih“ tekućeg transfera neprofitnim organizacijama - Transfer za sport od značaja za Federaciju utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta - Federalnom ministarstvu kulture i športa („Službene o usvajanju Programa utroška sredstava s kriterijima raspodjele sredstava tekućeg transfera utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta - Federalnom ministarstvu kulture i športa.

TRANSFER ZA SPORT OD ZNAČAJA ZA FEDERACIJU BIH

PROGRAM 1 – Finansiranje programa i projekta iz oblasti sporta

I. Odabir projekata vršit će se za sljedeće namjene:

1.4. Sufinansiranje sportskih udruženja i klubova osoba s invaliditetom

Sredstva će se dodjeljivati u rasponu od 4.000,00 KM do 6.000,00 KM;

II. Cilj Javnog poziva

Cilj Javnog poziva je potpora projektima i programima u području sporta koji:

- pružaju institucionalnu i finansijsku podršku udruženjima od značaja za BiH i FBiH
- potiču uključivanje ranjivih kategorija u sportske aktivnosti;
- podržavaju projekte koji afirmiraju spolnu ravnopravnost u sportu;

III. Pravo podnošenja zahtjeva

Pravo podnošenja zahtjeva na ovaj Javni poziv imaju sportske organizacije, klubovi, udruženja i drugi nositelji koji obavljaju djelatnosti u oblasti sporta registrovani u Federaciji Bosne i Hercegovine, osim privatnih organizacija utemeljenih sa ciljem ostvarenja profita. Finansirat će se isključivo projekti koji započinju i završavaju u 2026. godini.

Na ovaj Javni poziv nemaju pravo aplicirati korisnici sredstava Federalnog ministarstva kulture i sporta, koji nisu u cijelosti ili djelomično namjenski utrošili i opravdali dobivena sredstva sukladno roku naznačenom u Ugovoru.

Korisnici koji su podržani direktno kroz Odluku o usvajanju Programa utroška sredstava sa kriterijima raspodjele sredstava programa "Razvoj i afirmacija sporta i sportskih djelatnosti i podrška i promocija mladih" tekućeg transfera neprofitnim organizacijama - Transfer za sport od značaja za Federaciju utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta (potprogram 1.10) nemaju pravo aplicirati na ovaj javni poziv.

Aplikanti koji su dobili finansijsku podršku direktno kroz Javni natječaj Federalnog ministarstva kulture i sporta na osnovu dijela prihoda ostvarenih temeljem naknada za priređivanje igara na sreću NE MOGU aplicirati na Program 1 aktualnog poziva.

IV. Opšti i posebni kriteriji za raspodjelu sredstava potprograma 1.4. „Sufinansiranje sportskih udruženja i klubova osoba s invaliditetom“

Opšti kriteriji:

registracija sportskih udruženja i klubova koji su registrovani isključivo za osobe s invaliditetom;
valiteta programa/projekta;
ugodišnji kontinuitet;
oprinos razvoju sporta;
važavanje ravnopravnosti spolova;
ključnost mladih

Posebni kriteriji:

načaj manifestacije s ciljem razvoja sporta kod osoba s invaliditetom;
romoviranje sportskih aktivnosti osoba s invaliditetom uz uvažavanje ravnopravnosti spolova;
tupanj osiguranja i poticanja vrhunskih sportskih rezultata osoba s invaliditetom;
načaj projekta za afirmaciju sportskih ekipa na međunarodnim takmičenjima - *dokazati primjerom*;
načaj za razvoj sporta i uključivanje što većeg broja sportaša s invaliditetom².

V. Dokumentacija

Obvezna dokumentacija i dokumentacija za posebne kriterije dostavlja se numerirana istim slijedom kako je navedeno. Numerira se svaki papir/stranica redom, mora biti **spiralno uvezana** u cjelinu.

Dokumentacija koja ne bude uvezana i numerirana na prethodno navedeni način **neće biti uzeta u razmatranje** i smatrat će se formalno-pravno neispravnom.

Obvezna dokumentacija:

1. Prijavni obrazac, elektronički popunjen, potpisan i ovjeren pečatom pravne osobe, dostupan na mrežnoj stranici Ministarstva (original);
2. Uvjerenje o poreznoj registraciji – identifikacijski broj (original ili ovjerena kopija);
3. Rješenje o razvrstavanju - klasifikacija djelatnosti (kopija);
4. Uvjerenje Porezne uprave o izmirenim poreskim obavezama aplikanta ne starije od šest mjeseci do dana objave javnog poziva (original ili ovjerena kopija);
5. Aktuelni izvod iz registra, ne stariji od šest mjeseci do dana objave javnog poziva (original ili kopija ovjerena u opštini ili u notarskom uredu);
6. Rješenje o upisu registar u kojem su navedeni ciljevi i zadaci udruženja usmjereni isključivo na osobe s invaliditetom (Ne rješenje o upisu promjena u registar u kojem nisu navedeni ciljevi i zadaci udruženja) – kopija ovjerena u opštini ili u notarskom uredu;
7. Potvrda banke ne starija od tri mjeseca do dana objave javnog poziva (original ili ovjerena kopija), u kojoj je navedeno:
 - da račun nije blokiran,
 - broj transakcijskog računa,
 - ID broj korisnika;
8. Bilansa stanja i Bilansa uspjeha ili Račun prihoda i rashoda za 2025. godinu, s vidljivim pečatom Finansijsko informatičke agencije (FIA). Subjekti registrovani u 2026. nisu obavezni dostavljati Bilansu stanja i Bilansu uspjeha.
9. Izvještaj o rezultatima i aktivnostima iz prethodnih godina s navedenim brojem aktivnih klubova/članova (original);
10. Izvještaj o postignućima sportaša u okviru prethodnog perioda od 3 godine (original ili ovjerena kopija);
11. Dokaz o osiguranim sredstvima (ugovori, sponzorstva, donacije, sufinansiranje iz drugih izvora - original ili ovjeren preslik);
12. Dokaz o učestvovanju na takmičenjima - dokumentacija koja potvrđuje učestvovanje sportaša/osoba s invaliditetom na državnim ili međunarodnim takmičenjima (pozivna pisma, potvrde) (original ili ovjerena kopija)

Dodatna dokumentacija:

1. Preporuka Paraolimpijskog komiteta Bosne i Hercegovine ili strukovnog saveza o značaju projekta/programa (original ili ovjerena kopija);
2. Izvještaj o prethodnim projektima ili natjecajima koji uključuju osobe s invaliditetom (kopija);
3. Preporuke ili programi koji promiču ravnopravnost spolova u sportu osoba s invaliditetom (original);
4. Dokaz da je aplikant ispunio uslove za sudjelovanje na državnom ili međunarodnom takmičenju (pozivno pismo, kalendar međunarodne sportske federacije ili potvrda Paraolimpijskog komiteta BiH o ispunjavanju uslova za sudjelovanje na državnom ili međunarodnom takmičenju osoba s invaliditetom), (original ili ovjerena kopija);

VI. Dostavljanje dokumentacije

Svi zainteresirani aplikanti koji ispunjavaju uslove tražene ovim Javnim pozivom svoje programe/projekte zajedno sa zahtjevom kojeg mogu preuzeti na službenoj mrežnoj stranici: www.fmks.gov.ba, trebaju dostaviti na adresu:

**Federalno ministarstvo kulture i športa - Federalno ministarstvo kulture i
sporta**

NE OTVARATI – ZA JAVNI POZIV

**Transfer za sport od značaja za Federaciju - „Sufinansiranje sportskih
udruženja i klubova osoba s invaliditetom“**

Obala Maka Dizdara 2

71 000 Sarajevo

Na poleđini kuverte nužno je navesti naziv pošiljaoca, adresu pošiljaoca, kontakt telefon i staviti pečat organizacije.

Prijave se mogu predati isključivo putem pošte zaključno s **3. 6. 2026. godine.**

UPUTSTVO APLIKANTIMA

- Prijavni obrazac mora biti elektronski popunjen, potpisan i ovjeren.
- Prijave koje nisu dostavljene na propisanom obrascu, netačne i nepotpune prijave i prijave koje nisu dostavljene u navedenom roku neće biti razmatrane.
- Potrebno je da aplikant dostavi popis dokumentacije koju je dostavio uz prijavni obrazac.
- Aplikant je odgovoran za tačnost podataka u prijavi na propisanom obrascu. Ukoliko aplikant pogrešno popuni prijavu ili ne dostavi sve tražene dokumente, smatrat će se formalno-pravno neispravnim.
- Aplikant je obavezan upisati naziv prioritetnog područja transfera na koji aplicira.
- Finansijski plan, koji se nalazi unutar prijavnog obrasca, treba biti detaljno razrađen po stavkama. U suprotnom će se prijava smatrati formalno-pravno neispravnom.
- Potvrda banke koja ne sadrži identifikacijski broj aplikanta, transakcijski račun aplikanta i izjavu o aktivnosti računa aplikanta neće biti prihvaćena.
- Aplikant je odgovoran za dostavljanje tačnih podataka. Dostavljeni podaci ne mogu se mijenjati za vrijeme trajanja Javnog poziva.
- U toku realizacije projekta bilo koja promjena adrese, broja telefona, promjene kontakta, ovlaštene osobe ili broja računa kod banke, mora biti dostavljena u pisanoj formi ovom ministarstvu. Federalno ministarstvo kulture i sporta neće se smatrati odgovornim u slučaju da ne uspije kontaktirati aplikanta.
- Svi dokumenti moraju biti isključivo na jednom od službenih jezika u Federaciji BiH.
- Ukoliko podnositelj prijave na zatvorenoj koverti ne upiše naziv transfera za koji aplicira te ne navede naziv podnosioca prijave, adresu i kontakt telefon i ne stavi pečat organizacije prijava neće biti uzeta u razmatranje.
- **Dokumente je potrebno numerisati na način da se numeriše svaka stranica/papir redom i da se spiralno uveže kao cjelina.** Numerisanje se vrši redoslijedom kako je navedeno u traženoj dokumentaciji. Dokumentacija koja ne bude uvezana i numerisana na prethodno navedeni način neće biti uzeta u razmatranje i smatrat će se formalno-pravno neispravnom.
- Dokazi o realiziranim projektima iz prethodnog perioda koji se neće prihvaćati su: fotografije, popis linkova, CD-ovi, tekstovi objavljeni na društvenim mrežama (Facebook, Instagram, Twitter isl.), ugovori i odluke o dodjeli sredstava te drugi dokumenti iz kojih nije jasno vidljivo da je aplikant realizovao projekat.

- O rezultatima Javnog poziva aplikanti će biti obaviješteni putem službene web stranice <https://fmks.gov.ba> u roku od 30 dana od dana zatvaranja Javnog poziva.
- Svaki član Komisije bit će isključen iz postupka dodjele ukoliko se utvrdi da je u sukobu interesa u odnosu na podnositelja prijave, a podnositelji prijave imaju mogućnost prijaviti sumnju na postojanje sukoba interesa, o kojem će davatelj budžetskih sredstava odlučivati pojedinačno o svakoj prijavi.
- Podnositeljima prijava po Javnom pozivu dopušta se izjavljivanje prigovora u roku od pet (5) dana od dana objave rezultata formalno-pravne ispravnosti podnesenih prijava.
- Dopuna dokumentacije nakon isteka roka za dostavljanje prijava nije dopuštena.
- Revidirane budžete aplikanti koji zadovolje uslove za finansiranje dužni su poslati najkasnije u roku od 48 sati od datuma zaprimanja informacije o dodjeli sredstava.
- Aplikanti koji su zadovoljili uslove za potpisivanje ugovora o dodjeli sredstava dužni su cjelokupnu projektnu dokumentaciju dostaviti skeniranu na USB stiku.
- Aplikanti su prilikom pravljenja sredstava dužni uz štampani dokaz dostaviti cjelokupn finansijski izvještaj skeniran na USB stiku.
- Aplikanti kojima se odobri iznos iznad 100.000,00 KM dužni su otvoriti zaseban transakcijski račun na koji će se doznačiti sredstva za finansiranje/sufinansiranje projekata i o tome obavijestiti Federalno ministarstvo kulture i sporta
- Svi dokazi za dodatnu dokumentaciju moraju imati vidljive pečate i potpise ovlaštenih osoba (sporazumi, memorandum i saradnji, potvrde, preporuke i drugo).
- Korisnici mogu podnijeti zahtjev za dodjelu sredstava u minimalnom, odnosno maksimalnom iznosu u skladu s predviđenim rasponom za svaku pojedinačnu tačku.
- Aplikanti koji su prethodno dostavili prijavu na Javni poziv koji je poništen Odlukom o poništavanju Javnog poziva broj: 06-11-10-2643/26 MT od dana 14. 5. 2026. godine, a kojima je na temelju pisanog zahtjeva izvršen povrat dokumentacije, mogu dostaviti aktuelni izvod iz Registra, Uvjerenje Porezne uprave i potvrdu iz banke koji su stariji od 6 mjeseci, odnosno 3 mjeseca, od dana objave aktuelnog Javnog poziva, ali koji nisu stariji od 6 mjeseci, odnosno 3 mjeseca, od dana objave Javnog poziva koji je poništen.